

XEFATURA DE ÁREA DE
BENESTAR SOCIAL

CONCELLERÍA ÁREA DE
GOBERNO POLÍTICA SOCIAL,
TURISMO E XUVENTUDE

CONCELLO
DE VIGO



Exp. n.º 249446/301

ADDENDA Ó «CONVENIO DE COLABORACIÓN ENTRE A CONCELLERÍA DE POLÍTICA DE BENESTAR SOCIAL DO CONCELLO DE VIGO E A ASOCIACIÓN CENTRO XUVENIL ABERTAL PARA O DESENVOLVEMENTO DAS ACTIVIDADES PREVISTAS NO PROGRAMA “VIGO INCLUSIVO” (ANOS 2023-2025)».

En Vigo, na data da sinatura electrónica

COMPARECEN

Dunha parte,

A Concelleira da Área de goberno de Política Social, Turismo e Xuventude do Concello de Vigo, D^a Yolanda Aguiar Castro, asistida pola Secretaria de Goberno Local, D^a Susana Gallardo Fariña.

Doutra parte,

D^a. Ángela M^a Landín Ruíz, con DNI n.º 36.092.419-Z, Presidenta da «Asociación Centro Xuvenil Abertal», CIF n.º G-36633394, con enderezo para os efectos de notificación na rúa Venezuela n.º 3, baixo, de Vigo (CP 36203).

INTERVEÑEN

D^a. Yolanda Aguiar Castro, na súa condición de Concelleira da Área de goberno de Política Social, Turismo e Xuventude do Concello de Vigo, de acordo coas Resolucións da Alcaldía – Presidencia de estruturación dos servizos corporativos do Concello de Vigo e delegación de competencias, xenéricas e específicas, nos/as concelleiros/as (2023-2027) e, en particular, coa Resolución do 28.06.2024 de delegación de competencias na Área de Goberno de Política Social, Turismo e Xuventude (BOPPO n.º 133, do 09.07.2024) e coa Resolución do 20.06.2023, de delegacións xenéricas en concelleiros/as de Área de goberno e concelleiros/as delegados/as (BOPPO n.º 124, do 28.06.2023; Apdo. Primeiro, j).

D^a. Ángela M^a Landín Ruíz, actuando en representación da “Asociación Centro Xuvenil Abertal”, segundo así resulta dos seus estatutos e da documentación achegada ó Exp. n.º 249443/301 (2023), asegurando o comparecente a vixencia do seu cargo e que tales facultades non lle foron revogadas.

D^a. Susana Gallardo Fariña, Secretaria de Goberno Local, ós meros efectos de asistencia á Sra. Concelleira delegada e dación da fe pública no outorgamento do presente documento.

As comparecentes, no concepto en que interveñen, recoñécense reciprocamente a lexitimación e a capacidade legal necesaria para o outorgamento e formalización da presente Addenda e, como antecedentes e motivación deste acordo de vontades,



Copia do documento - Concello de Vigo	Data impresión: 03/04/2025 14:52	Páxina 1 de 3
249446-301	CSV: A8AFED-4BAAD3-D48188-P14GND-Y6WDMF-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



EXPOÑEN

I. O 29.03.2023 foi asinado polas partes o «CONVENIO DE COLABORACIÓN ENTRE A CONCELLERÍA DE POLÍTICA DE BENESTAR SOCIAL DO CONCELLO DE VIGO E A ASOCIACIÓN CENTRO XUVENIL ABERTAL PARA O DESENVOLVEMENTO DAS ACTIVIDADES PREVISTAS NO PROGRAMA “VIGO INCLUSIVO” (ANOS 2023-2025)», aprobado previamente na sesión ordinaria da Xunta de Goberno Local do 23.03.2023 (Exp. nº 249446/301).

II. O obxecto dese Convenio de colaboración era a regulación dos termos da concesión da subvención directa prevista nominativamente nos orzamentos xerais do Concello de Vigo a favor da «Asociación Centro Xuvenil Abertal» para o desenvolvemento do Programa: “VIGO INCLUSIVO” (ANOS 2023-2025)).

III. Na súa Estipulación Cuarta estableceuse o seguinte:

«O Concello de Vigo, pola súa parte, comprométese a conceder directamente á “Asociación Centro Xuvenil Abertal” unha subvención, para cada un dos exercicios de 2023, 2024 e 2025, por importe de 60.000€/ano; en total, polo periodo de vixencia do Convenio: 180.000€. O gasto de 2023 imputarase á aplicación orzamentaria nº 2310.480.00.20 – “Convenio Asociación Abertal” dos orzamentos. As achegas correspondentes a futuros exercicios (2024 e 2025) estarán condicionadas ó cumprimento dos obxectivos propostos e á existencia de crédito adecuado e suficiente nos correspondentes orzamentos municipais...».

IV. Con todo, nos orzamentos anuais para o exercicio de 2025, aprobados definitivamente polo Pleno do Concello de Vigo en sesión do 23.12.2024 (Exp. nº 90/142; BOPPO nº 250, do 27.12.2024), figura consignado, na aplicación orzamentaria nº 2310.480.00.20 – “CONVENIO ASOCIACIÓN ABERTAL”, un importe de 90.000€, polo que resulta preciso proceder, mediante esta Addenda, á modificación daquela Estipulación do Convenio.

V. En efecto, a teor do previsto na súa Estipulación Décima: «Calquera alteración do contido deste Convenio precisará do acordo das partes asinantes e da autorización municipal do órgano competente e se instrumentará mediante a correspondente Addenda».

Tendo en conta o anteriormente exposto as partes,

ACORDAN

«PRIMEIRO: Modificar a Estipulación Cuarta do «CONVENIO DE COLABORACIÓN ENTRE A CONCELLERÍA DE POLÍTICA DE BENESTAR SOCIAL DO CONCELLO DE VIGO E A ASOCIACIÓN CENTRO XUVENIL ABERTAL PARA O DESENVOLVEMENTO DAS ACTIVIDADES PREVISTAS NO PROGRAMA “VIGO INCLUSIVO” (ANOS 2023-2025)», que quedará coa seguinte redacción:

«O Concello de Vigo, pola súa parte, comprométese a conceder directamente á “Asociación Centro Xuvenil Abertal” unha subvención, para o exercicio de 2025, por importe de 90.000€. O gasto imputarase á aplicación orzamentaria nº 2310.480.00.20 – “Convenio Asociación Abertal” dos orzamentos...».



XEFATURA DE ÁREA DE
BENESTAR SOCIAL

CONCELLERÍA ÁREA DE
GOBERNO POLÍTICA SOCIAL,
TURISMO E XUVENTUDE

CONCELLO
DE VIGO



SEGUNDO: O réxime de pagamentos será semellante ó establecido na Estipulación Quinta do Convenio subscrito en 2023 entre a *Concellería de Política de Benestar Social* e a «Asociación Centro Xuvenil Abertal», pagándose o 50% (45.000€) logo da asinatura da Addenda e previa presentación do proxecto para o exercicio en curso e a Memoria anual completa do anterior e o 50% restante (45.000€) unha vez xustificadas os gastos realizados ata o 01 de novembro de 2025. Para poder realizar o pagamento anticipado previsto será necesario que a entidade presente unha declaración responsable de que non está incurso en ningunha das prohibicións e/ou circunstancias indicadas no Art. 34.4 pfo. 3º da L.38/2003, do 17 de novembro, xeral de subvencións, como impositivas para a realización de pagamentos anticipados a beneficiarios de subvencións.

TERCEIRO: A presente Addenda estará en vigor durante a vixencia que resta do Convenio».

E en proba de conformidade, as partes asinan esta Addenda, por duplicado exemplar, na data expresada no encabezamento, de todo o que eu, como Secretaria de Goberno Local, dou fe.

POLO CONCELLO DE VIGO

A CONCELLEIRA DA ÁREA DE GOBERNO DE POLÍTICA SOCIAL, TURISMO E XUVENTUDE,

Asdo.: Yolanda Aguiar Castro

Perante mín,
A SECRETARIA DE GOBERNO LOCAL,
Asdo.: Susana Gallardo Fariña

POLA «ASOCIACIÓN CENTRO XUVENIL ABERTAL»,

Asdo.: Ángela Mª Landín Ruíz

